



Ocvlvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. VI. Quæstio 3. Quare lucida & alba eminus aspecta augentur,
comminus imminuuntur?

[urn:nbn:de:hbz:466:1-71258](#)

duo conuexa coniungat & per eadem Solis radios transmittat, qui citius concurrent, quam per vnum traiecti; sicut è contrario, longius prouehentur anteposita concava lente vitrea, quam si convexum solum adhibeat. Sed de hac materia alias differendi locus erit ex instituto.

CAPVT VI.

3. **Q**uale lucida & alba procul posita maiora apparent, minora prope? Breuiter respondemus, quia radijs omnibus ad Corneam & in Crystallinum venientibus in potentiam videndi in Retina residentem ob sui efficaciam occupant & mouent, siue deinde iordinati siue turbati sint. In vicinia autem, soli in communem basin ordinati dominium nascuntur: dixi autem in prioribus, basin distinctionis communem, esse omnium pyramidum visualium tam euersarum quam directarum intersectionem communem, ante & post quam radij se se amplius diducerent; igitur quia lucida procul posita communem suam basin in Vitreo humore constituunt, euenit ut in Retinam pyramides appellant latiores, & sic obiectum maius appareat; quia verò post bascos communis metas singulæ pyramides radios suos dissimiles cum dissimilibus aliarum pyramidum radijs coniungunt, hinc in obiecto percipiendo confusio contingit. Quando autem obiectum eiusmodi lucidum vel album mediocrem ab oculo distantiam tenet, tunc & ordinatum & minus appetet, quam in distante excedente: quare hoc? quia mediocriter remotum, basin communem in Retinam projicit, cuius latitudo & minor est, sectione parallela quavis antecedente aut consequente; & totius obiecti in ea apta dispositio. Dices, similis est etiam obiectorum non lucidorum & non alborum in oculo pictura; quare igitur dissimilis eorundem perceptio? Respondeatur, radios à lucidis & albis profectos natura sua ad mouendum potentiores esse, ideoq; etiam laterales sensum ad sui perceptionem excitare; quod aliorum obiectorum radij non valeant, à medijs tanquam robustis præpediti. huius rei evidentia est, in lucidis obiectis, quia si quis

quis mediari aut quartam tantum candelæ procul ardentis partem oculo liberam relinquit, tantam nihilominus ipse iudicabit facem, quam viderat integrè patentem; ex quo manifestum est, omnes etiam exiles lucidorum partes, totam quasi pupillam occupare. Vnde sit 1. ut omnia lucida procul aspecta rotunda compareant, quia totam pupillæ capacitatem insident rotundâ. 2. Ut stellæ multò maiores appareant, quam apparerent si nobis duplo, triplo aut quadruplo viciniores essent. 3. Ut cædem rotundæ putentur, cum necessario non sint, ut in Venere falcata patet. 4. Ut earundem radiationes sint solæ quædam apparentiæ in Retina è radijs debilibus refractis & inter pectines processuū ciliarum allapsis, ortæ. Atque ex hoc etiam 5. intelligere datur, quid sit, Album esse visus disgregatiuum; quoniam enim maiorem oculi partem occupat, quam alterius coloris obiectum æque magnum, sit ut ipsum visum distrahere putetur. &c. Ferrum certè candens, quadruplo aut amplius maius apparet, quam sit, ut euidenter patet in congelato. &c. 6. Ratio datur, cur tubus opticus res ab oculo maximè distantes, præsertim Stellas firmamenti non ita augeat ad sensum, sicut amplificat res viciniores v. g. Iouem, Martem, Solem, Lunā, aut res alias in cōspectu vicinore positas. Huius rei culpa non est transferenda in tubum, sed ratio exigenda partim à stella, partim ab oculo. Cum enim stella lucida sit & maximè remota, ipsa communem basin in oculo post humorem Crystallinum breuissimam facit, ideoq; in Retinam sese tota radiatione vehementer diffundit, multoque maior apparet quam debet; superueniens ergo tubus, exhibet magnitudinem ipsius ea proportione, quam alia corpora in data eadem apertura. è quo cōiecturari liceat, quantilla s̄epe sint stellarum fixarum corpuscula. Sed de hoc, aliis erit dicendi locus. Reliqua verò corpora, quia libero obtutu præcisa & vera magnitudine apparent absque tubo, hinc superueniens tubus hanc veram magnitudinem incredibiliter auget; quam veram magnitudinem quia sensus libere etiam apprehendit, hinc s̄eam etiam quam tubus exhibet cognoscit, videt maximum augmentum. In Stellis verò, quia apparet magnitudo veram longissimè superauit, hinc sit, ut tubi

Gg 2 augmen-

augmentum, vix aliquando deprehendatur. Tubus enim non auget magnitudinem apparentem, sed veram. Vnde 7. Fieri potest & solet, ut aliqua firmamenti stella liberè visa maior apparet, quam per tubum ullum. Nihilominus tamen tubum imprudenter culpaueris, si impotentem propterea existimaueris; duo potius alia hinc collegeris, exilitatem corpusculi siderij, & efficaciam lucis eiusdem. Quod si tubus ille seruata eadem distan-
tia, aliud etiam corpus vicinum præcisè ostendit, scias certissimo tubum eximum esse; eademq; proportione auëtum corpusculū stellæ, qua obiectum vicinus; v. g. Luna. &c. ex quo 8. Haud difficulter in veras stellarum magnitudines inquisitionē institues.

CAPUT VII.

•4 **Q**uare uno & eodem oculo aliqui rem vnam multiplicē vident? Accidit hoc ideo quia obiecti eiusdē coni discreti in Retinam cadunt, basibus discretis non una cōmuni. Hoc autem accidit vel ex nimia vicinitate obiecti ad oculum, ut patet passim ex præmissis; vel tunicarum aut humorum, præsertim Crystallini mala temperie: nam si Cornea alicubi opaca, alicubi perspicua esset, utique obiectum multiplicaretur, ut patet ex lamina perforata, l. 1, p. 2. cap. 5. Idem fieret, si humor Crystallinus multipartitus, aut per certa tantum interualla diaphanus esset, ut patet ex specillis ocularibus in diuersa plana angulosq; distinctis. Tandem in ipsam Retinam possent quædam plagæ vi-
tiatae induci, ut ea sola rem visam multiplicaret. &c.

CAPUT VIII.

5. **Q**uare radij à candela accēsa, &c. in capillos ci-
liares incidentes, & in oculum reflexi, in
contrarias obiecti partes reiciuntur Sit lux
A, radius incidens AB, in capillum ciliarem BC, refe-
xus BD. Qui veniat in E humoris Crystallini punctū.
Quæstio est, quomodo radius hic videatur in parte si-
nistra obiecti, teste experientia, cum incidat in dextrā
oculi? Autenim BD reflexus, est rectus ad Corneam
aut

